

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 449911 23 St
Tuzla, 20.05.2024. godine

Općinski sud u Tuzli, stečajni sudija Vedran Milašinović, u stečajnom postupku nad stečajnim dužnikom „BUJDO-NAMJEŠTAJ“ d.o.o. za proizvodnju i promet roba i usluga Živinice, Višća bb, nakon provedenog stečajnog postupka, donio je dana 20.05.2024. godine sljedeće:

RJEŠENJE

OTVARA SE stečajni postupak nad imovinom dužnika „BUJDO-NAMJEŠTAJ“ d.o.o. za proizvodnju i promet roba i usluga Živinice, Višća bb, matični broj subjekta 32-01-0441-19, JIB: 4210382370006, račun broj: 1412905320026226 otvoren kod Bosna bank International d.d. Sarajevo.

Za stečajnog upravnika imenuje se Hazim Huskić iz Gradačca.

ZAKLJUČUJE SE stečajni postupak nad imovinom dužnika „BUJDO-NAMJEŠTAJ“ d.o.o. za proizvodnju i promet roba i usluga Živinice, Višća bb, zbog nedostatka stečajne mase za pokriće troškova stečajnog postupka.

Rješenje će se objaviti na oglasnoj tabli suda, web stranici suda, Službenim novinama F BiH, te dostaviti FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjelenju registra ovog suda, radi brisanja stečajnog dužnika iz sudskog registra.

Obrazloženje

Rješenjem Općinskog suda u Tuzli broj: 32 0 St 449911 23 St od 07.12.2023. godine, pokrenut je prethodni postupak radi utvrđivanja uslova za otvaranje stečajnog postupka nad imovinom društva „BUJDO-NAMJEŠTAJ“ d.o.o. za proizvodnju i promet roba i usluga Živinice, Višća bb, a za privremenog stečajnog upravnika imenovana je Hazim Huskić iz Gradačca, sve temeljem odredaba člana 61 Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 05.01.2024. godine. Iz izvještaja privremenog stečajnog upravnika i navoda datih na ročištu proizilazi da je društvo prestalo sa radom 2020. godine, a da su računi društva blokirani od 16.09.2021. godine kada je nastupila platežna nesposobnost društva, kada je zbog prezaduženosti društvo ostalo bez cjelokupne imovine i opreme kojom je do tada obavljalo djelatnost. Svi radnici društva su odjavljeni tokom 2020. godine.

Iz knjigovodstvene evidencije u koje je privremeni stečajni upravnik izvršio uvid proizilazi da društvo ima knjižene obaveze u iznosu od 39.374,00 KM, od čega se dug prema PU F BiH po osnovu direktnih poreza bez kamata odnosi na iznos od 13.915,26 KM, a prema UIO BH po osnovu indirektnih poreza na iznos od 2.100,00 KM, uz napomenu da su i knjižene obaveze u iznosu od 13.950,00 KM po osnovu pozajmica prema direktoru, s tim da je isti izjavio da ove iznose ne potražuje. Društvo nema bilo kakve imovine iz koje bi se mogli finansirati troškovi stečaja i namiriti povjerioci, u vlasništvu nema nekretnina (poslovalo je u zakupljenom prostoru), nema pokretnih stvari, novčanih sredstava niti bilo kakve druge imovine.

Stečajni dužnik a što proizilazi iz izvještaja i mišljenja privremenog stečajnog upravnika nije u roku od 60 dana od dana nastupanja platežne nesposobnosti podnio prijedlog za otvaranje stečajnog postupka

Dakle, sud nalazi da je podneseni prijedlog dopušten i da postoji stečajni razlog za otvaranje stečajnog postupka predviđen članom 6 stav 2 i članom 102 Zakona o stečaju.

U smislu odredbe člana 103 stav 1 Zakona o stečaju, a u vezi sa odredbom člana 102 stav 7 Zakona o stečaju F BiH, a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je rješenjem od 12.02.2024. godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 6.890,50 KM na ime otvaranja stečajnog postupka, iz kojeg predumjmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica, objavljeno je u Službenim novinama F BiH broj 15/24 dana 23.02.2024. godine, oglasnoj tabli suda dana 13.02.2024. godine i na web stranici suda, kojim se objavama javni poziv smatra dostavljenim.

S obzirom da u ostavljenom roku koji je propisan zakonom predlagač, povjerioci ili neko od zainteresovanih lica nisu izvršili uplatu predujma za obezbjeđenje troškova stečajnog postupka, sud je u smislu odredbe člana 102 stav 8 Zakona o stečaju, donio odluku o otvaranju i zaključenju stečajnog postupka, na način određen u izreci rješenja.

Temeljem odredbe člana 102 stav 8 Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204 stav 1 i 3 Zakona o stečaju, a u vezi sa odredbom člana 190 stav 10 Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti FIA, dok je odredbom člana 204 stav 2 istog zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204 stav 5 Zakona o stečaju.

Na osnovu odredbe člana 206 stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102 stav 8 Zakona o stečaju sud je odlučio kao u izreci rješenja.

Stečajni sudija
Vedran Milašinović

POUKA O PRAVU NA IZJAVLJIVANJE PRAVNOG LIJEKA:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu u Tuzli, putem ovog suda, u roku od 8 dana, od dana objavljivanja rješenja u Službenim novinama.